

Tar ina fusiun na pon ins mai persvader tuts

Per il parsura da la PBD grischuna Beno Niggli è il mez u center relevant per il sistem democratic

MARTIN CABALZAR/FMR

■ **Sonda passada han delegadas e delegadas da la partida burgais-democratica (PBD) da la Svizra decidì unanimain e cun sulet in'abstenziun da fusiunar cun la Partida cristiandemocratica (PCD) en la nova Alleanza dal Center.** Presupponi che era la delegada da la PCD Svizra dals 28 da november approvescha la fusiun, lura po la nova partida naziunala Alleanza dal center cumenzar cun sia activitad il prim da schaner 2021.

La FMR ha discurrì cun il parsura da la PBD grischuna *Beno Niggli* davart las conclusiuns e consequenzas da questa decisiun da la partida naziunala sin la situaziun en il Grischun.

La PBD da la Svizra ha decidì unanimain da fundar ensemen cun la PCD la nova partida Alleanza dal center. Co giuditgais Vos questa decisiun ord optica grischuna?

Benno Niggli: Sin plaun naziunal vegni a dar ina concentrasiun da las forzas dal center en il spectrum politic. Quai è gist ed impurtant, damai ch il mez politic è relevant per il sistem d'ina democrazia directa.

«**Allianza dal center fiss preschenta en l'entir chantun**»

Tge avantatgs e dischavantatgs porta ina fusiun da PBD e PCD sin palancau chantunual?

Ils avantatgs sin plaun chantunual èn d'avair ina partida che cuverna l'entira surfat-scha da noss chantun. Oz èsi numnadamain uschia che la PBD è là ferma nua che la PCD è flailva ed il cuntrari. L'Alleanza dal center garantisce ina preschientscha en l'entir chantun.

Tranter PCD e PBD datti in grond consens tar tematicas e cuntegns. Tge rolla jogan las differenzas confessiunals tradiziunals anc tar ina fusiun?

Las differenzas confessiunals pon ins ignorar oz senza problems. Tenor mes avis sa basa la situaziun actuala dapli sin la tradiziun che sin la confessiun. Plinavant pon ins era plegendar da nov electuras e novs electurs per ils quals questa dumonda gioja nagina rolla.



«**Dapli tradiziun che confessiun**»

Beno Niggli,
parsura da la PBD grischuna

Examinescha e tira la PBD era en consideraziun ina eventuala fusiun cun ils liberals (PLD) u cun ils verd-liberals (PVL)?

La PBD ha era examinà questa dumonda. La PVL ha dentant demussà pauc interess. Era cun la PLD avain nus manà discurs. Quai cunzunt er pervi dal fatg ch'ils democrats grischuns èn natschids oriundamain ord ina separaziun dals liberals.

Na datti tar ina fusiun da PBD e PCD betg ina separaziun tranter aderents dal nov center ed aderents da la veglia PPS?

Tar ina fusiun na pon ins mai persvader tuts. I sa tracta cunzunt da persvader tants mandataris e cunzunt electuras ed electurs sco mo pussaivel.

Na datti en questa dumonda betg er ina cuntraversa tranter la garda ve-

glia e la generaziun giuvna entaifer la PBD?

Entaifer la PBD avain nus già gi intencivas discussiuns. Noss seniors sustegnan ils giuvens.

«**Seniors sustegnan ils giuvens**»

Tras ina fusiun avess la nova partida Alleanza dal center ina ferma maiortad en Cussegl grond e regenza. È quai desiderabel?

In ferm center politic è giavischabel. Ella procura per equilibr e bunas soluziuns per noss chantun. Tar las proximas elecziuns han electuras ed electurs la pussaivladad da regular las proporziuns politicas sin la dretga mesira.

Co giuditgais Vos la schanza che questa maridaglia politica sin plaun naziunal daventia er realitad en il chantun Grischun?

Nus essan preparads per il culp da partenza ils 28 da november (decisiun da la PCD Svizra). Alura vegnan las duas partidas a s'occupar en in process democratic legitimà da questa dumonda. La fin finala decidan ils commembers.